

Γιά τήν λαογραφική έκπομπή τοῦ Συλλόγου "Θάρος Ποντίων"
ἀπό τόν ραδ. Σταθ. Μαι. Ε.Ι.Ρ.

Εκπομπή 10η 22-II-1969

1ον.- Τ' ὀρφανέσσας τὸ νυφέπαρμαν

Διήμερα, τριήμερα τῇ νύφει παρασθέινε
φορίζν' ἄτεν, στολίζν' ἄτεν κι' ἄτεν κι' στεφανῶνε
στείλνε σὸν Ἄδην εἰδοῖν, τὸν κύρ' ἄτε παραγγέλνε,
κι' ὁ κύρς ἄτε παίρνει εἰδοῖν κι' ἐλάλεσεν τὸν Χάρον

"Ἐλα Χάρε ἄς παλεύωμε σὸ χάλκινον τ' ἄλῳνι
κι' ἂν ἔν καί ντὸ νικῶ σε ἐγώ, Χάρε νά σάν ἐμένα,
θά πάω κι' ἐγώ σὴ χαράν, ὅθεν ἐμέν ἐμέντσαν
θά πάω ἐλέπω τὴν κόρη μ', πὼς παίρν' ἄτεν καί πάγνε
κι' ἂν ἔν καί ντὸ νικῶς με ἐσύ, Χάρε ν' ἀλλί ἐμένα.

ἐπάλεφαν-ἐπάλεφαν κι' ὁ Χάρον ἢ ἐνικέθεν
Ἀκούσατε τί μένυσεν ὁ κύρς ἄτε ἄσόν Ἄδην
Ἄς τρῶν καί πίν' οἱ φίλοι μου κι' ἄς παραστέν τὴν κόρη μ'.

2ον.- Χαρίστεν

Κυροῦδες, μανάδες χαρίστεν, χαρίστεν, χαρίστεν,
γαμπρούς καί νυφάδες θ' ἐφτάπεν χαρίστεν, χαρίστεν.

Χαρίστε, χαρίστεν σιδλ' παιδίαι, χαρίστεν, χαρίστεν
Ἄτὸ πα μέ τὴν σειράν ἐν χαρίστεν, χαρίστεν, χαρίστεν.

3ον.- Τ' ὀσιτόπο μ' ἀπὲς ὁ ὀρμάν.

Τ' ὀσιτόπο μ' ἀπὲς ὁ ὀρμάν, φύλλα καπλαμένον
ἄμον τ' ἐμὸν τὸ κάρδοπον, βάσαν φορτωμένον

Τ' ὀσιτόπο μ' ἀπὲς ὁ ὀρμάν τ' ὀλδαρα κλεθρία
τὸ αἶμα μ' ἀπὲς σὴν κάρδια μ', πουλόπο μ' ἀγλαθία

"Ἐχτισα τ' ὀσιτόπο μου ἀπὲς ὁ ἄγρια τ' ὀρμάνια
ἄσά πουλία τῇ Θεοῦ περυένω ἐγώ χαπάρια

4ον.- Γιά ἔλα γιά θά ἔρχουμαι

Γιά ἔλα γιά θά ἔρχουμαι, σὴ στράταν θ' ἄπαντῶ σε
ἐντρέπουμε νά λέγω σε, πουλόπο μ' ντ' ἀγαπῶ σε

Γιά ἔλα, γιά θά ἔρχουμαι, τὸ κάρδοπο μ' ἐλύεν
ἄσὴν σεβτάν ἀρνί μ' τ' ἄσόν, ἐκέν κι' ἐβρουλίεν

Γιά ἔλα γιά θά ἔρχουμαι, ὁ νοῦς ιμ' ἐθολῶθεν
ἄσὴν σεβτάν ἀρνί μ' τ' ἄσόν ἢ κάρδια μ' ἐματῶθεν

5ον.- Ἰμερα μ'

Ἰμερα μ' ἐρρωθόμεσα ν' ἐλέπω τ' ὀσιτόπα σ'
ν' ἐλέπω τὸν Καστρόλιθον σ' ἢ οὐλία τὰ παρχαρόπα σ'

Ἄς ἐμ' καί σὸν Καστρόλιθον κι' ἀπὸ καρσί ἐτέρνα
ἔλεπα καί τὴν Ἰμεραν, τὰ μουράτια μ' ἐπαίρνα

Ἐξέβα σὸν Καστρόλιθον κι' ἐκίτσα σά γωνέας
τὰ μάραντα σκουνοῦλτσανε ἄσ' ὅλια τὰ μερέας

Εξέβα σὸν καστρόλιθον κι' ἐκίτσα σὲ γυνᾶς
τὰ μάρνατα σκουνοῦλτσανε ἀσ' ὄλια τὰ μεράς

6ον.-

Τραγοῦδια τῆς Κρῶμης

Σὴ Κρῶμ' τὸν "Αε-Θόδωρον ἐπῆγα λειτρουγέθα
ἐντῶκεν ἡ σεβὰ σὸν νοῦμ; ὅμαν ἐκλῶστα κι' ἔρθα

Ἡ Κρῶμ' τὸ τσὸλ' ἐν ἔμορφον, ἔχει νερόπα κρῶα
ἐκεῖ εἶναι πιντέμοφα κορτσόπα μερακλῖα

Ἡ Κρῶμ' τὸ τσὸλ' ἐν ἔμορφον ὕψηλά τὰ βουνά θε
ἔμορφα εἶν' τὰ κορτσόπα, κρῶα εἶν' τὰ νερά θε

7ον.-

Ἰα - Ἰα καὶ υἱοὶ καὶ χῆλ' - χῆλ' ὡς πενιάρια
ἀνέμ' αὐτῶν καὶ θεοὶ γὰρ ἔσονται ὡς πενιάρια